

## Non, non e non !

La Mirelha d'Allancé

Uèi, l'Octave que va tà l'escòla peu purmèr còp. « Que vas véder » ce ditz la mair, « l'escòla qu'ei èxtra. »

E vedes ací, qu'ei la toa classa e aquí que pénen lo màntol. E m'u balhas ?

« Non », ce ditz l'Octave

« Adiu », ce ditz la regenta. « Alavetz, qu'ès tu l'Octave ? »

« Non », ce ditz l'Octave

« Anèm », ce ditz la mair, « siis lo de qui cau. Enlòra, que't vienerèi cuélher. E'm balhas un poton ? »

« Non », ce ditz l'Octave

La regenta que hè entrar l'Octave dens la classa. « Mainatges, que'vs presenti l'Octave. Que'u vam muishar la nosta classa. »

« Non », ce ditz l'Octave.

« E saps har au copacap ? » ce demanda la Janina.

« Non », ce ditz l'Octave

« Que crèi ne sap pas diser òc », se chepica la Janina.

« Totun, que seré hòrt », ce ditz lo Raol, « aten, que vas véder... »

« Espia Octave, qu'ei la mia darrèra pastilla . E'u vòs ? »

« Non », ce ditz l'Octave.

« Ça-vietz tà véder aquò, a l'Octave, ne l'agradan pas las pastillas ! »

« On, on i a pastillas ? »

« Aciu, que'n aví deishat ua sus la taula e qu'a desapareishut. »

« Octave, ditz la vertat, qu'ès tu qui l'as ! »

« Non », ce ditz l'Octave

« Alavetz, b'es tu Guilhem ! »

« Non ! »

« Qu'es tu, Kevin ? »

« Non ! »

« Robert ? »

« Non ! »

« Devinatz cò qu'èi estujat darrèr l'esquia », ce ditz la regenta.

« Pastillas entà tots ! E amanejам-nse, las mairs que son ací ! » la de l'Octave qu'ei arrivada la purmèra.

« Ho-ho, Octave, que soi ací ! »

Mes l'Octave ne s'ei pas avisat d' arren.

« Alavetz, Octave, e viens òc o non ? »

« Non ! »